

Guangjisi Minzcu Bau

ganhhau: CN45-0036 B.2015 Nd.9 Ng.9 liggaueq ietfeih nienz ndwencaet ngeihcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3190期

Swcigih Minzyijveij Bae Swhyenz Yen Diuyenz Hong Vah Saw Minzcu

自治区民语委到资源县调研民族语文工作

8 nyied 26 daengz 27 hauh, Swcigih Minzyijveij fucujyin Yangz Gijbyauh daiq ndaw veij aen diuyenzcu ndeu, bae Swhyenz Yen doiq gij cingzvang gvendaengz vah minzcu gvangibo yingjsi fanhoiz cuengqok, ndawbiengz sawjungh Cuengh Gun song cung saw daeng hong vah saw minzcu guh diuyenz.

Diuyenzcu gonqlaeng yawj le gij baiz, yaenq dangcwngh gihgvan, swyez danhvei Liengsuij Myauzcuz Yangh Sesuij Myauzca caeuq Hozgouj Yauzcuz Yangh, ndaw yienhsingz diuzgai cujyau loh-

byauh, lohbaiz, gicehan daengj gunghung ciengzdieg mingzcwngh cauhaiz, byauhaiz yungh mbouj yungh Cuengh Gun song cung saw, yungh ndaej deng mbouj deng daengj cingzvang.

Yangz Gijbyauh cungfaen haengdingh gij cingzik Swhyenz Yen minzyij bumwnz guh hong minzcu gaenxgoemx gvancez lozsiz cingsaenz aen hoih hong minzcu Cunghyangh caeuq Swcigih, ciuq cingzvang daeu guh, haiguh ndawbiengz hagsib sawjungh vah saw minzcu haenx, caemhcai doiq Swhyenz Yen yungh Cuengh Gun

song cung saw seiz miz mbangj vwndiz daezok iugouz cinggaij. Yangz Gijbyauh ceijok, Swhyenz Yen aeu gyavaiq doigvangq sawjungh Cuengh Gun song vah saw, gaenxgoemx lozsiz gij cing-saenz vwnzgen Swcigih. Youq gij giekdae gyalai doiq ndawbiengz sawjungh guenleix Cuengh Gun song vah saw guh senhconz gwnzde, gawjbanh beizyiban, cuyamq doicaenh, vih daengx yienh ndawbiengz sawjungh guenleix Cuengh Gun song vah saw daezhawj sifan cozyung. (Dangz Meijyungz/唐美荣 Cau Mingzeij/赵明伟)

SIUSIK DINJ

简 讯

● 9 nyied 1 daengz 11 hauh, Fuzsuih Yen youq yienh vwnzva yisuz canjlanjgvanj gawjbanh Cungguk yinz-minz gang Yiz cancwngh caeuq seiqgyaiq fanjfasihsw hancwngh ndaejhingz 70 hopbi sawmauzbit meijsuz ingjsiengq cozbincanj. Doenggvaq gawjbanh baez hozdung neix, hawj gyoengqvunz geiq-maenh lizsij, siengjniemh senhle, insik swnghhoz vuenyungz seizneix.

(Liengz Cenzdungh)

● Mboengqneix daeu, Ginhui Yauzcuz Swciyen gaenxgoemx hoizguh bouh denyengj Vahyauz 《Yaengx Fwngz Hwnjdaeu》 he, hong hoizguh youz yienh vwnzva gvanj, hagdangz lauxsae caeuq dangdieg vunz lai Yauzcuz camgya hoiz-guh boiqyem, ciuq aen yienh neix funksug minzcingz daegsaek yungh Vahyauz hoizguh cuengqok, caenh-itbouh gikfat vunz lai ndatcingz gyaeg guek.

(Yiz Canghyungz)

● 9 nyied 2 hauh, Lingzyinz Yen Ya'gyaz Cin Mbanjbingzvaiz caeuq Yihungz Yauzcuz Yangh Mbanjgiuj-gyangh lienhab haiban laebbaenz Lingzyinz Yen aen daih'it hamj yangh (cin) bouxcoz dauqma ranzmbanj doxgap cauxnieb gihdi. Neix dwg aen yienh neix ndawbiengz baez daih'it lienhab, hix dwg Lingzyinz Yen byaij ok diuz lohmoq bangfuz doxgap "fouq bang gungz caez hwngfat" he.

(Vangz Yenzungz Cwng Senh-linz)

● Gaenh geij bi neix, Lozcwnghz Mulaujcuz Swciyen gonqlaeng gawjbanh 83 geiz beizyiban, beizyiban canghy w lajmbanj 5520 vunzbaez, 2012、2013 nienz, lij gawjbanh song geiz beizyiban, beizyiban canghy w lajmbanj doigvangq Cunghyih. Dangqna, aen yienh neix miz 176 boux hagseng lajmbanj, 153 boux miz swghwz.

(Veiz Yuzdai Mungz Cwnghsw)

● Geij ngoenz neix, 《Cuengq Mbin Siengjmuengh Cungguk, Youq Baekging Doxcomz》 bi 2015 daihgingz yinhyoz comyienj youq Baekging gawjhengz, Baksak Si Sihlinz Yen Loz Hauyiz gagsij goswz 《Siengjmuengh Cungguk Gyaunde》 ndaej daengz conghyah nyinhawj, doeklaeng ndaej aen gim ciengj guhswz Cungguk Yinhyoz Hezvei fat haenx.

(Cinz Yicungh)

Yungfuz: Sonyinx Beixnuengx Yauzcuz Diuzcingj Nungzyez Canjnieb Coengh Demsou



永福:引导瑶族同胞 调整农业产业助增收

Gaenh geij bi neix daeu, Yungfuz Yen Gvangfuz Yangh gaengawq cingzvang saed-saeh dangdieg, gaenx-goemx sonyinx Sangcai, Dwzanh daengj mbanj saujsu minzcu vunz lai diuzcingj nungzyez canjnieb gezgou, haengqengz lai ndaem gofaiz dak gai rangzhawq, vih beixnuengx saujsu minzcu demsou baenzfouq hai diuz loh moq he. Ndaew doz dwg Gvangfuz Yangh Mbanjsangcai beixnuengx Yauzcuz cingq youq henz ranz dak rangz.

(Lij Siujlinz/李小林)

Duh'anh Nungzminz Suencauxnieb Minzcu Saedniemh Siujyoz Hainduj Sawjyung

都安农民创业园民族实验小学投入使用

Vihliux guh ndei nungzminz suencauxnieb minzcu gyauyuz saehnieb, Duh'anh Yen ok cienz 5000 fanh maenz, ciuq Swcigih byauhuncjva youq suencauxnieb hwnjguh aen minzcu saedniemh siujyoz youz yienh gyauyuzgiz guenleix he. Aen hagdangz neix bi 2013 hainduj roengzgiek hwnjguh,

bineix 8 nyied guh sat. Hagdangz ciemq dieg menciz 46 moux, youq ndaej 2160 boux lauxsae hagseng, laeb miz 48 aen ban. Ndaew hagdangz gingjsaek gyaunde, gyausiz gvangqlangh hausagsag, aen siujyoz neix dwg aen yienh neix gingjaek ceiq gyaue, sezsih ceiq lai he.

8 nyied 30 hauh, suencauxnieb minzcu saedniemh siujyoz hainduj sawjyung, ngoenzde miz 1200 lai boux hagseng daeu aen hagdangz neix doegsaw. Aen hagdangz neix hainduj sawjyung, saedyienh le gij simmuengh ranzsenjyouq hawj lwg youq henz ranz doegsaw.

(Lanz Fuzgvanh/蓝福宽)